



Б У Й Р У Қ №_172_

Нукус шахри

«_08_»_09_ 2025 йил

**Шифохона ва унинг бўлимларида қўлланиладиган тиббий ҳисоб ҳужжат шакллари
босқичма-босқич рақамлаштириш тўғрисида**

Ўзбекистон Республикаси Соғлиқни сақлаш вазирлигининг 2025 йил 29 августдаги "Шифохона ва унинг бўлимларида қўлланиладиган тиббий ҳисоб ҳужжат шакллари босқичма-босқич рақамлаштириш тўғрисида"ги 270-сонли ва Қорақалпоғистон Республикаси Соғлиқни сақлаш вазирлигининг 2025 йил 8 сентябрдаги №193 сонли буйруқлари талаблари ижросини таъминлаш мақсадида **буюраман:**

1. Ўзбекистон Республикаси Президентининг 2023-йил 28-декабрдаги ПҚ-415-сон қарори ҳамда Соғлиқни сақлаш вазирининг 2024-йил 17-декабрдаги 384-сонли буйруғи билан Бирламчи тиббий-санитария ёрдами фаолиятини автоматлаштириш талабларини ишлаб чиқиш, "Электрон поликлиника" ва "Электрон шифохона" ахборот тизимларини (кейинги ўринларда ИМИС, PACS, ДМЕД) такомиллаштирилган талқини ишлаб чиқилганлиги ҳамда шифохона ва шифохона бўлимларида юритиб келинаётган журналлар ва бланкалар электрон кўринишга ўтказилганлиги маълумот ва ижро учун қабул қилинсин.

2. Шифохона ва унинг бўлимларида:

биринчи босқич жорий йилнинг 1-октябрдан бошлаб Соғлиқни сақлаш вазирлиги талаблари асосида шифохона ва унинг бўлимларида қоғоз шаклида юритилаётган қуйидаги:

- ультратовуш текширувларни қайд этиш журнали (018-шакл);
- рентген (Флюорография) текширувларни қайд этиш журнали (017-шакл);
- ЭКГ текширувларини қайд этиш журнали (020-шакл);
- физиотерапия ҳамширасининг кундалик қабул журнали (031-шакл);
- тиббий жиҳоз ва асбоб ускуналарни зарарсизлантиришни қайд этиш ва марказий стерилизация бўлимларига топшириш журнали (032-шакл);
- асбоб ускуналарни қабул қилиш ва зарарсизлантириш журнали (033-шакл);
- лаборатор таҳлилларни қайд этиш журнали (034-шакл);
- тиббиёт ходимларининг аҳоли ўртасида соғлом турмуш тарзини шакллантириш бўйича ўтказган тадбирларини қайд этиш журнали (038-шакл);
- юқумли касаллик, озиқ-овқатдан ўткир, касбига кўра иш жойида заҳарланиш, эмланганда ўзгача реакциялар ҳақида тезкор хабарнома (058-шакл);

- катта ҳамшира ёки лаборантнинг бюджет ҳисобига олинган дори воситаси, диагностика, реактив ва тиббӣй буюмлари миқдорӣй ҳисобга олиш журнали (059-шакл);

- муолажаларни қайд этиш журнали (059-1-шакл);

- юқумли касалликларни қайд этиш журнали (060-шакл);

- шифохонадан чиқарилганларнинг статистик картаси (066-шакл);

иккинчи босқич жорӣй йилнинг 1-ноябрдан куйидагилар:

- Тиббӣй муассасага қабул қилинган ёки рад этилганларни ҳисобга олиш журнали (001-шакл);

- қабул қилинган ва рад этилган ҳомиладорларни, туққан аёлларни ҳисобга олиш журнали (002-шакл);

- чақалоқлар бўлими (хона) журнали (102-шакл);

- беморнинг тиббӣй картаси (003-шакл);

- ҳомиладорликни вақтидан олдин тугатиш тиббӣй картаси (003-1-шакл);

- реанимация (хона) ва интенсив терапия бўлимидаги беморни динамик кузатув картаси (ҳамширалик жараёни) (005-шакл);

- наркоз варақаси (005-1-шакл);

- ўтказилган наркозларни қайд этиш журнали (006-шакл);

- беморнинг келиб кетиши ва шифохонанинг ўрин фондини ҳисобга олиб бориш варақаси (007-шакл);

- шифохонадаги жароҳлик амалиётини қайд этиш журнали (008-шакл);

- қон таркибӣй қисмлари ва препаратлари қуйишни ҳисобга олиш журнали (009-шакл);

- Шифохона бўлими, кундузги шифохона ёки ихтисослигига кўра ўринлар фондини йиғма билдиришномаси (016-шакл);

- КТ ва МРТ ва МСКТ текширувларини қайд этиш журнали (019-шакл);

-Эзофагогастроуденоскопик (ЭФГДС), Колоноскопик текширувларни қайд этиш журнали (021-шакл);

- эндоскопик текширувларни қайд этиш журнали (021-1-шакл);

- тиббӣй муассасадаги беморнинг тиббӣй баённомасидан кўчирма (027-шакл);

- ёмон сифатли ўсма хасталиги бор шифохона беморининг тиббӣй картасидан кўчирма (027-1-шакл);

- муолажа хонасида қон намуналарини олишни қайд этиш журнали (029-шакл);

-физиотерапия бўлимида (хонада) даволанаётган беморлар картаси (031-1-шакл);

- меҳнатга лаёқатсизлик варағини қайд этиш журнали (036-шакл);

-Антирабик ёрдамга мурожаат қилганларнинг картаси (045-шакл);

-шошилинч (тез) тиббӣй ёрдам кўрсатиш постидан фойдаланган буюжет дори-воситаси, тиббӣй буюмларни ҳисобга олиш журнали (059-2-шакл);

- ўлим гувоҳномасини қайд этиш журнали (106-2-шакл);

- перинатал ўлим гувоҳномасини қайд этиш журнали (106-шакл);

шакллари ва бошқа тиббӣй ҳисоб ҳужжат шакллари (журналлар) қоғоз шаклида юритиш амалиёти бекор қилинсин.

3. Директорнинг инновация бўйича ўринбосари Б.Жуманиязов, бош ҳисобчи Қ.Сейтғиязов, барча бўлим мудирлари, бош ҳамшира Р.Реймова, барча бўлим катта ҳамширалари, филиал АКТ ходимлари А.Султанов, Ш.Назарбаев, Е.Бийсенбаев, Б.Оспанов ва А.Пиримбетовлар билан биргаликда:

шифохона ва унинг бўлимларида ахборот тизимини ишлатиш учун зарур шарт-шароитлар яратилсин ва масъулларни ўқитиш чоралари кўрилсин:

тиббий ҳисоб ҳужжат шаклари босқичма-босқич электрон шаклда юритилишини назоратга олсин;

бунда, ахборот тизимида юритиладиган тиббий ҳисоб ҳужжат шакллари асосли ҳолларда (электр ва интернет тармоқлари узулишлари бўлганда) вақтинчалик ананавий (қоғоз) шаклда қайд этилиб, асосли ҳоллар бартараф этилган кундан электрон тизимга ўз вақтида киритилсин ва асоссиз вақтинчалик ананавий (қоғоз) шаклда қайд этиш қатъиян ман етилсин.

4. Филиал директор ўринбосарлари (Е.Калмурзаев, Ф.Джумамуратов, К.Торешов, Ғ.Мамбеткаримов, Б.Жуманиязов) ва барча бўлим мудирларига:

қоғоз кўринишдаги тиббий ҳисоб ҳужжат шакллари бекор қилиниши билан боғлиқ барча жараёнларни тўлиқ назоратга олсин;

ИМИС, PACS, Д-МЕД ахборот тизими орқали юритиладиган тиббий ҳисоб ҳужжат шаклари бўйича мониторинг олиб борсин;

тиббий ҳисоб ҳужжат шакллари қоғоз шаклда юритилишига йўл қўйган масъулларга ва ходимларга ўрнатилган тартибда тегишли чоралар кўриб борилсин.

5. Тиббий ҳисоб ҳужжат шакллари белгиланган муддатларда босқичма-босқич рақамлаштирилишини инобатга олган ҳолда, ушбу жараён оралиғида айрим ҳисоб шакллари вақтинча ананавий (қоғоз) шаклда юритилади.

Бунда, айрим ҳисоб шаклларининг вақтинча ананавий (қоғоз) шаклда юритилиши фақат Ўзбекистон Республикаси Соғлиқни сақлаш вазирлигининг кўрсатмаси билан амалга оширилади.

Мазкур буйруқ талаблари ижроси назоратини ўз зиммамда қолдираман.

Директор:



С.М.Бегалиев